

BON DIA Aruba	
Editor	
Caribbean Speed Printers N.V.	
Aruba Bank N.V. Acc. #332668	
Caribbean Mercantile Bank N.V.	
Acc. #23951903	
RBC Royal Bank Acc. #1330772	
Sub-Gerente General	
Jaime Mata	
Sub-Gerente Editorial	
Dionne Fradl-Jie Sam Foek	
Redaccion	
Jenisse Thiel	
Lia de Cuba	
Margarita Els	
Maritza Tromp-Lacle	
Redactor Deportivo	
Nathalie Winterdaal	
Colaborador	
Oscar Vidal	
Seever Krozendijk	
International	
Mariano Heyden	
Fotografo	
Dino Tromp	
Ehecutivo di Benta	
Marijke Croes-Luidens	
Mark Gomes	
Diseño Grafico	
Michael Arendsz	
Aviso y Arte	
Sandra Loefstop	
(Hefe di reservacion)	
Gladis Palomino Silva	
Lando Rafael	
Robert Cortez	
Administracion y Distribucion	
Mariette Engelhart	
Martha Arteta de Ariza	
Jenny Lobbrecht - Kelly	
Collecion	
Evelinda de Cuba - Tromp	
Pre Press	
Luis Fernando Arenas (Hefe)	
Pablo Libre	

Cambio riba ruta di Carnaval ta pa crea espacio pa por acomoda mas hende

ORANJESTAD- Ruta di e parada grandi di San Nicolas e aña aki, lo conoce algun cambio chikito relaciona cu 60 aña di Carnaval. Durante conferencia di Prensa di SAC y Polis, Sra. Tecla Kelly a comenta riba e ruta di Carnaval.

CAMBIONAN

Sra. Tecla Hernandez, den su calidad di presidente di SAC, a bisa cu e cantidad di participantenan den parada di San Nicolas, en conexion cu e 60 aña di Carnaval cu lo bay ta grandi y pa esaki a pone algun ruta nobo. Esaki lo ta pa e parada grandi. Preparacion pa cu e gruponan lo ta entre Elmar San Nicolas te cu rotonde di FTA cual ta un cambio cu SAC a pidi pa haci pa tur hende tene cuenta na e cambio aki. E numbernan di grupo lo wordo marca riba caya, e gruponan pa tene cuenta pa bin trempa na e

salida unda no tin mucho caya ya cu e ta limita.

OPSTELLING GRUPONAN

Especialmente pa e prome gruponan unda lo tin cu zorg pa nan ta mas trempa cu tur. Yegando Elmar lo bay zuid drenta Van Speyckstraat y lo yega te cu Gallo Rojo bay Markstraat den direccion prohibi y lo bay te na Theaterstraat y lo bay ariba contra e muraya di Valero te na e rotonde nobo cu a wordo traha na ex Texas. Unabes cu yega e rotonde lo sigui normal. Esaki ta haci esunnan cu semper a para for di Joe Laveist pa Ex DOOV e ruta no lo pasa eynan y nan lo mester para mas pazuid. E ruta lo sigui normal manera semper for di e rotonde bay ariba B.V.D Veen Zeppenfeldstraat subi, Caya Capt Rogers despues subi Lago Weg pa despues coy e

caminda di Bernhardstraat te cu e pomp di gasolin na Esso Ville pa bay direccion noord riba Schaepmanstraat yega e birada skerpi di Macro bay full abou riba Pastoor Hendrikstraat.

COMIENSO Y FINAL TA TOPA OTRO

Tecla a comenta cu e chens pa e rabo y cabes topa otro no ta grandi manera cu nos yega na e crusada di Weg Sero Preto eynan lo sigui bay ariba te ora cu e rabo sali banda di Elmar e ora proximo grupo lo por bay abou sin ningun problema. E scoge pa e ruta aki pa asina evita manera sa pasa den añanan anterior, unda cu e cabes y e rabo di e Carnaval ta topa cu otro y esaki lo causa un pegamento di trafico. Sra. Tecla Hernandez a comenta cu e ruta lo ta 300 meter mas largo. Esunnan cu ta bay carnaval por uza e cay-

anan door di Brazil bay Caya Jose Geerman. Ya caba for di FTA e trafico no por bay ariba. Si acaso cu mester di mas espacio lo sigui bay abao di e rotonde. Te cu awor esaki ta e plan cu ta bay tin pa loke ta trata e ruta di e parada San Nicolas.

PARADANAN DI PLAYA

Pa Polis mes e ceramento di caminda y tur e proceso lo keda mes cos. Ricardo Muller a splica cu no tin mucho cambio compara cu aña pasa pero a cambia e ruta pa asina haya mas espacio. Semper e camindanan di banda ta cera pa asina trafico no subi e ruta di carnaval. Pa loke ta e parada grandi di Playa, esaki tambe a conoce su cambionan. Na luga di bira na Adriaan Lacle Blvd, e parada lo sigui straight te DOW. E cambio aki a wordo haci pa mantene e seguridad ya cu si pasa door di Adriaan Lacle Blvd esaki lo pone cu practicamente centro di ciudad lo ta ful cera y esaki por trece su peligernan cun'e en caso tin p.e un candela. Tambe como cu e aña aki ta 60 aña si carnaval ta spera cu e parada lo ta mas grandi cu custumber y si haci e ruta mas largo esaki lo ta miho. Tambe a tene cuenta cu e trailernan grandi dificilmente lo por pasa den e cayanan smal banda di Elmar. Segun Ricardo Muller ta di spera cu den futuro tur kabel lo por ta pasa bou di tera pa asina preveni e problemanan cu tin awor aki cu e trucknan durante ruta di carnaval unda cu nan ta ranca e kabelnan cu tur consecuencia cu esaki por trece cun'e. Parada di playa lo sali 11 di mainta na Floramarket y lo tin cu caba 6or atardi na e rotonde di Wendys. □